

靈寶大鍊內旨行持機要

面東拜九禮或三焚香或拜先焚臨

意至此大略皆白上聖師再三拜退案平生

調神正炁誦大經九過或生天經或生神

一過引炁一口直入丹田原本如此今恐丹

身田通即水府對生門即水部聚九炁之光

結一嬰兒此造化正在兩腎中狀與己身向

外盤足端坐餘光遍覆天地非身外之端也

形神光明須臾五臟五色之氣如雲而自下

乘載嬰兒昇騰從夾脊雙關上入泥丸宮條

忽化為寶珠即聚米嬰兒化為元始五臟雲

氣化為五色獅子元始於寶珠之內坐五色

獅子之上百千萬億寶光洞煥諸天諸地瑩

微表裏次存三十二天萬聖千真浮空而來

咸入寶珠之中齊到帝前如聽法狀元始放

眉間白毫相光下照鄴都九幽諸獄自下泥

丸宮及二炁中皆見寶珠二珠中皆見三十

二天萬聖千真護從元始與前寶珠無二二

光中皆見救苦天尊光明照耀輝映十方所

有鄴都諸獄乘天尊道力威光朗耀照破重

昏化為淨土次存兩腎而下皆幽陰之所即

獄也獄門一開北帝與寶管獄吏列班朝禮

於都門之外殿皆在水部之後朝禮畢即有

十方飛天神王駕龍車金童玉女翊衛其側

手執元始符命在帝之前面承

道旨垂光而下逕入鄴都諸獄應諸罪鬼並

皆赦宥繼時出獄集於鄴都宮前次存華池

森羅淨泓次存寶珠中萬聖千真齊誦丹陽

大呪次存

元始天尊勅命降赤龍奮鼓震池之浪下灌

東井如瀑布急存古為赤龍撥動華池候口

中神水滿溢左顧嚙之入水府前即天河也

急存水府前大海汪洋無邊無際一切罪鬼

入浴祥風和煦暖然如春薰蒸表裏无不欣

慶頓省貪瞋嗔心正道浴畢

元始勅金童玉女各執淨衣不知其數賜諸

罪鬼衣畢寶珠中千真萬聖同聲誦念度人

經隱語靈篇太一天尊十方天尊隨誦隨步

浮雲而下太一以甘露法雨遍洒諸鬼即得

身心清涼咽喉寬潤十方天尊各持金盃玉

匙貯以甘露玉膏虛空散噴諸鬼享此法食

食飽滿訖次存脊骨為昇天大法橋接至朱

陵絳宮下通水府金童玉女手執幡幢飛香

散花引諸亡鬼升橋至朱陵火府中有長生

大君帝者司馬大神星冠韓君丈人白玉冠

司命司祿延壽益算度厄專神星冠監度

諸鬼入火冶中炎火鍊度諸鬼一從火鍊并

衣天衣有百千火龍自火冶中垂光焰躍出

載諸亡鬼歷十二重樓飛空而上直至玉清

境界拜

元始致身寶光中兆即冥心湛然物我兼忘

寂然勿問亡者去住何地稍掛一絲不成究

竟無緣超度切在秘密閉口行持

此法乃壺中之造化也非包天覆地妄外

求玄之說切不可輕示非人恐為惑慢生

不信心則師資皆必遺於玄憲也慎之慎

之

靈寶大鍊內旨行持機要